

Kommunalbestyrelsi 24-11 2022 nal. 10:00

Kommune Qeqertalik Kommunalbestyrelsi
17-2022

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq:

Ane Hansen, IA

Allatsi:

Ane Joelsen Siegstad

Ataatsimiinneq:

Teamsikkut

KOMMUNE QEERTALIK
NIELS EGEDES PLADS 1, POSTBOKS 220, 3950 AASIAAT

ULLORMUT OQALUUSERISASSAT

22-092 Qeqertalik Business Council saqqummiinera	3
Siunnersuutit marluk:	4
22-093 Qeqertarsuup ukiunik 250-nngortorsiornissaanut immikkut aningaasaliinissaq	4
22-094 Qeqertarsuarmi Elisebap aqquataata motorinik angallatinut aqquataajunnaarsinnissaa	5
22-095 2022 aamma 2023-mut Qeqertalik Business Council Inuussutissarsiornermut Takornariaqarnermullu pilersaarut.....	6
22-096 Ataatsimiiffissat.....	8
22-097 Kommunimut pilersaarutaani 1100-A01-imi B-86 ilanissaanut qinnuteqaat	9
22-098 25 mio. Koruunit tungaanut kassekreditimik pilersitsinissamut pisinnaatitsineq.....	11
22-099 2022-mi ukiup sisamararterutaasa pingajuanni naatsorsuutit.....	13
22-100 Missigersuutissatut siunnersuut Kommunalbestyrelsemut aappassaaneernissaanut inassuteqaat	15
22-101 Kommunip kukkunersiuisussamik taarsiineq	19
Ilisimatitsissutit:	21
22-102 Naatsorsuutit pillugit ilisimatitsineq.....	21
22-103 Qeqertarsuarmi A nr. 958-1400-00408-nik nunaminertamik atugassiinissamik inatsisitigut naapertuuttunngortitsineq.....	22
22-104 Kisermaassisussaatiitaalluni annikitsumik 38-akuersisummik taaneqartartumik ujaasinissamut aamma atuinissamut akuersissut.....	24
22-105 Tusarniaanermut akissut.....	25
ATAATSIMIINNEQ NAAVOQ:	26
ATSIORFISSAQ:	26

Oqaluuserisag	Oqaluuserisassat akuerineqarnerat
----------------------	--

Oqaaseqaatit:

Hans Aronsen aamma Kristian Jeremiassen TEAMS-ikkut peqataapput. Aammalu Otto Jeremiassen kingusissukut peqataasinnaanani nalunaarmat TEAMS-ikkut peqataapput.

Nal. 12.10 ullup qeqqarneq.

AALAJANGERNEQ:

Oqaluuserisassat akuerineqarput.

Suliap nr.	22-092	Ilanngussap normua	92	Journal nr.	
Eqqartugaq	22-092 Qeqertalik Business Council saqqummiinera				

EQIKKAANEQ:

Qeqertalik Business Council siulittaasua 2023-mi pisussat pillugit saqqummiisooq.

AALAJANGERNEQ:

Saqqummiinermut qujavungut.

Siunnersuutit marluk:

Suliap nr.	22-093	Ilanngussap normua	093	Journal nr.	
Eqqartugaq	22-093 Qeqertarsuup ukiunik 250-nngortorsiornissaanut immikkut aningaasaliinissaq				

EQIKKAANEQ

Ulloq 3. November 2022 Kommunalbestyrelsemi ilaasortaq Simigaq Heilmann siunnersuuteqarpoq.

SULIAP SAQQUMMIUNNEQARNERA:

Oqaluuserisassatut siunnersuut:

Qeqertarsuup ukiunik 250-nngortorsiornissaanut immikkut aningaasaliinissaq

Tunngavilersuut:

Matumuuna siunnersuutigerusuppara Qeqertarsuup ukiunik 250 nngortorsiorluni nalliuttorsiornissaanut immikkut aningaasaliisoqassasoq.

Aningaasaliissutissat immikkut nalliuttorsiornermi malunnartitsinissamut aaqqissuisunut aningaasaliissutaanissaat kissaatigaara, taakkulu pisinnaatinneqassasut aningaasat nalliuttorsiornermi qanoq atornissaanik ilusilersuinissaannik.

Eqqarsarpunga aningaasat qanoq annertutiginissaannik siunnersuusiortoqassasoq, Qeqertarsuarmi illoqarfiup pisortaata akuutinneqarneratigut.

Inussiarnersumik,
Simigaq Heilmann
Demokraatit sinnerlugit kommunalbestyrelsimi ilaasortaq

INASSUTEQAAT:

Qeqertarsuup 250-nngortorsiorluni nalliuttorsiornissaanut, Kommunalbestyrelse 2023-mut missigersersuutini 250.000 kr-nik illuartinneqareerput.

Allattoqarfimmiit inassuteqaatigineqarpoq Kommunalbestyrelse isummissasoq siunnersuut ingerlaqqissanersoq imaluunniit ingerlaqqissannginnersoq.

AALAJANGERNEQ:

Inassuteqaat akuerineqarpoq. Siunnersuutigineqarpoq inassuteqaat itigartinneqassasoq, tapiissutigineqarnissaanut suliarineqareermat.

Suliap nr.	22-094	Ilanngussap normua	094	Journal nr.	
Eqqartugaq	22-094 Qeqertarsuarmi Elisibap aqputaata motorinik angallatinut aqputaajunnaarsinnissaa				

EQIKKAANEQ

Ulloq 3. November 2022 Kommunalbestyrelsemi ilaasortaq Simigaq Heilmann siunnersuuteqarpoq.

SULIAP SAQQUMMIUNNEQARNERA:

Tunngavilersuut:

Taamatut siunnersuuteqarpunga elisibap aqputaa motorinik angallaffiujunnaarsinneqarpat utoqqaat pisinnaanerusuni najugaqartunut nipiliorfiujunnaassammat, ingammik ukiukkut snescooterit ingerlaaginnalerfianni.

Aamma aqqusineq taannarpiaq pisinnaanerusut illut ammut naaffianni hotellillu eqqannguani kuuk upernaakkut supisarmat aqqusineq aqqissuuttariaqalertarpoq motorilinnillu ingerlaarfiusarami aserfallakkiartortarpoq.

Taannaannanngilaq, aqqusernup taassuma motorinik angallaffiujunnaarsinneratigut aqqissuussat suulluunniit peqqinnartumik ataatsimoorfiusinnaasut tassani aqqissuunneqarsinnaalissapput.

Taajuuteqalersinnaallunilumi ataatsimoorfiusarnera eqqarsaatigalugu.

Assinik ilanngussaqarnikuuvunga aqputit suut pineqarnersut.

Piffik taanna ataatsimoorfissaqqissuuvoq, motorilinnillu angallaffiujunnaarpat inerisarneqarsinnaalissooq. Soorlu issiavilersuineq, nunagissarneratigut sceneliorfiusinnaalissooq. (takorluukkat taakkua assit 1-mi 2-milu ersipput)

Nivinngaaviup eqqaa (allagarsiivik) ataatsimoorfissaqqissuuvoq. Soorlu inuiattut ullorsionerni tassumap nalaani katersuuttartugut qamutilittarluta, kisianni annerusumik aqqissuussiffiusinnaaneq ajorpoq motorinik angallaffiusinnaanera pissutigalugu.

Sillimaniarneq eqqarsaatigalugu ikualattoqalissagaluarpat qatserisartut biiliisa angusinnaasaat eqqarsaatigalugit misissoqqissaarnissaa pisariaqassooq. Taannalu atorfilittat misissorluarsinnaagaat isumaqarpunga. Tassani aamma aqputit suut asserneqannginnissaat ilanngullugu nalunaarsorneqarsinnaapput.

Siunnersuuteqartoq,

Simigaq Heilmann

Demokraatit sinnerlugit kommunalbestyrelsimi ilaasortaq

ILANNGUSSAT:

Ilanngussaq 94-01 – Elisibap aqputaa

Ilanngussaq 94-02 Nivinngaaviup eqqaa 1

Ilanngussaq 94-03 Nivinngaaviup eqqaa 2

INASSUTEQAAT:

Allattoqarfimmiit inassuteqaatigineqarpoq Kommunalbestyrelse isummissasoq siunnersuut

ingerlaqqissanersooq imaluunniit ingerlaqqissannginnersooq.

AALAJANGERNEQ:

Siunnersuut 10års kommuneplan-imut ilanngunneqarnissaanut innersuunneqarpoq.

Suliap nr.	22-095	Ilanngussap normua	095	Journal nr.	
Eqqartugaq	22-095 2022 aamma 2023-mut Qeqertalik Business Council Inuussutissarsiornermut Takornariaqarnermullu pilersaarut				

EQIKKAANEQ:

Qeqertalik Business Council 2022 aamma 2023-mut Inuussutissarsiornermut Takornariaqarnermullu pilersaarut Kommunalbestyrelsimut suliarisassanngorlugu nassiuppaa.

SULIAP SAQQUMMIUNNEQARNERA:

2023-mi Qeqertalik Business Council Kangerloqarfinnik assiliornini, Piujuartitsinermit pilersitassat. Piujuartitsinermit isumassarsiat, Niuerfimmi misissuinissat, Aasiannut periusissiaq, Qeqertarsuaq & Kangaatsiaq, Eqqakkanik isumaginninneq, Avammut niuernermit siunnersuineq, Namminersortunut aningaaliinernik siuarsaaneq, Inoqarfinnut kangerlunnullu pilersaarut, Wifi anartarfinnullu tunngatillugu suliat ingerlatiinnassavaat.

Suliniutit pillugit paasissutissat inuussutissarsiornermut aamma takornariaqarnermut pilersaarummi takuneqarsinnaapput.

ANINGAASATIGUT KINGUNISSAT:

Qeqertalik Business Council ulloq 1. januaari 2023-mi 3.850.000 koruuninik kiffartuussinissamut isumaqatigiissuteqarnermut kiffartuussinissaa tapiisoqassaaq. Kiffartuussinermut tapiissummut piumasaqaat annertooq tassaavoq 2023-mut Inuussutissarsiornermut pilersaarut akuerineqassasoq.

2022-mut kiffartuussinissamut tapiissut Qeqertalik Business Councilimut akilerneqareerpoq.

KINGUNEQAATIT:

Kommunalbestyrelsip akuersineratigut 2023-mut kommunimi inuussutissarsiornerup ineriartornera sammivilerneqassaaq. Qeqertalik Business Councilip kingusinnerusukkut pilersaarut naammassissavaa.

INATSISITIGUT TUNNGAVIK:

- Qeqertalik Business Council Kiffartuussinermut isumaqatigiissut

SULIAP SULIARINERA:

Suliaq Ataatsimiititaliaq Inua-nit Kommunalbestyrelsimiillu suliarineqassaaq.

INASSUTEQAAT:

Qullersaqarfiup Ataatsimiititaliaq Inua-nut inassuteqaatigaa:

- Qeqertalik Business Council A/S 2022-mut aamma 2023-mut Inuussutissarsiornermut Takornariaqarnermullu pilersaarut akuerineqassasoq

ILANNGUSSAQ:

- 95-01 2022-mut Inuussutissarsiornermut Takornariaqarnermullu pilersaarut, Qeqertalik Business Council & Destination Diskobay KAL
- 95-02 2022-mut Inuussutissarsiornermut Takornariaqarnermullu pilersaarut, Qeqertalik Business Council & Destination Diskobay DK
- 95-03 2023-mut Inuussutissarsiornermut Takornariaqarnermullu pilersaarut, Qeqertalik Business Council & Destination Diskobay KAL

95-04 2023-mut Inuussutissarsiornermut Takornariaqarnermullu pilersaarut, Qeqertalik Business Council & Destination Diskobay DK

AALAJANGIINEQ:

Ataatsimiititaliaq INUA 16/11-2022

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-096	Ilanngussap normua	096	Journal nr.	
Eqqartugaq	22-096 Ataatsimiiffissat				

EQIKKAANEQ:

Aqutsinermut inatsisit naapertorlugu, ukiumi tulluuttumi ataatsimiinnissat ullussai kommunalbestyrelsip ukiumi pineqartumi ataatsimiinnermi kingullermi aalajangiiffigisussaavai.

SULIAP SULERINEQARNERA:

Ataatsimiititaliaq INUA-mut aamma kommunalbestyrelsimut suliat ingerlateqqinneqartussat pillugit ataatsimiititaliat suliaannut tunngatillugu 2023-imi suli unammillernartoqartussaavoq. Siunissami annertunerusumik suli pitsanngorsaasoqassappat, ataatsimiittarnerit ataavartumik aamma ataatsimiititalianit ingerlanneqartarnissaat pilersaaruteqarfigineqartariaqarpoq, ullumikkut aningaasaqarnikkut inissisimanerup pitsaassusaata ataavartinneqarnera ajorninngussanngippat.

Ataatsimiinnermi atortuutit nutserisarnerlu eqqarsaatigalugit, ataatsimiititaliat ataatsimiinnissaat aalajangersarneqartariaqarput tamarmik ullormut allamut inissillugit, taamaaliornikkut ataatsimiinnerit ulluisa akornanni ataatsikkoortitsisarneq minnerpaaffianiitsinneqarsinnaammat. Ataqtigiissaarineq pitsaanerpaq qularnaarumallugu, 2023-imi ataatsimiititaliat tamarmiusut ataatsimiiffissaasa ullui Kommunalbestyrelsimut aalajangersaaffigineqassasut siunnersuutigineqarpoq.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ:

Kommunit aqunneqarnerat pillugu inatsisartut inatsisaat nr. 29, 17 november 2017-meersumi § 8.

INASSUTEQAAT:

Ataatsimiititaliaq INUA-mut kommunalbestyrelsimullu akuerisassanngorlugit inassutigineqarput:

- Ullorsiutit ataatsimiiffissatut siunnersuutit akuerineqassasut

ILANNGUSSAT:

96-01 2023-imi ataatsimiiffissat – ullorsiutit

96-02 – Udbetalingskalender

AALAJANGERNEQ:

IA siunnersuutigivaa budgetseminar Aasiannut nuunneqassasoq innersuunneqarpoq.

Amerlanerussuteqartumik akuerineqarpoq. Siumut: Uge 33 siunnersuutigineqarput naaperiarnermillu qinnuteqaatigalugu.

Suliap nr.	22-097	Ilanngussap normua	097	Journal nr.	
Eqqartugaq	22-097 Kommunimut pilersaarutaani 1100-A01-imi B-86 ilanissaanut qinnuteqaat				

UTEQQIINEQ:

Kommune Qeqertaliup kommunimut pilersaarutaani Qasigianguani 1100-A01 immikkoortortami Illup B-86-ip isaarissap ilanissaanut, kiassaateqarfiliornissamut kiisalu nutaamik quiliornissamut nunaminertamut qinnuteqaammut tunngasoq. 1100-A01 "Quikoq" nunaminertaq eriagisarialittut toqqagaanikuuvoo (§3 nunaminertaq).

SULIAP SAQQUMMIUNNEQARNERA:

Kommunip pilersaarutaani 1100-A01 Quikoq nunaminertami eriagisarialittut nalilerneqarnikuusumi B-86 inissisimavoq. Taamaammatt pingaarteqarpoq illumik allissut peqqutaalluni sumiiffiup immikkuullarissusaata annaaneqannginnissaa eqqaamaniarneqassasoq.

Massakkut illup kangiutungaattigut aneerasaartarfiup pioreersup qaavatigut isaariaata ilanissaanut 6 m x 2,2 m, tassani peqqutaatippaa isaariaq suerpallaartaqimmat. Kiisalu illup avannaatungaani kiassaateqarfiliornissaminut 1,5 m x 0,90 m kitaatungaagullu aneerasaartarfik pioreersoq qallerlugu nutaamik 3,5 m x 2,2 m quiliornissaminut nunaminertamik qinnuteqarpoq.

INATSISITIGUT TUNNGAVIUSUT:

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
- Kommunep Pilersaarutaa 2018-2030 Kommune Qeqertalik
- Kommunekkaartumik pilersarusiornermi allanngutsaaliuisussaanermik nakkutiginnittussaneq pillugu Namminersornerullutik Oqartussat nalunaarutaat nr. 31, 30.oktober 1991-imeersoq

KINGUNISSAI:

Illup B-86 type 16 ilaneqareernikuusup nunaminertamik annerusumik atuisussaanngilaq. Pioreersut qallerlugit sanaassat sananeqarniarmata. Taamaattumik ilaneqarnermigut illu oqornerulersissavaa najoruminarnerulersillugu. Qui nutaanngornerani kusanarnerusumik isikkoqalertussaanera naasorsuutigineqassaaq.

ANINGAASATIGUT KINGUNISSAI:

Immikkut aningaasartuuteqassanngillat.

SULIAP SULIARINEQARFIA:

Ataatsimiititaliaq INOQARFIK

Kommunalbestyrelse Kommune Qeqertalik

INASSUTEQAAT:

Qasigianguani illoqarfimmi pisortaq sinnerlugu, Allattoqarfiup ataatsimiititaliaq INOQARFIK ima inassuteqarfigaa

Ataatsimiititaliaq INOQARFIK-up illup ilanissaanut qinnuteqaat suliarissagaa, suliarlu Kommunalbestyrelsimut akuerisassanngorlugu ingerlateqqillugu.

ILANNGUSSAT:

- 097-01 Nunaminertamut qinnuteqaat titartagartaalu
- 097-02 Nunaminertamut qinnuteqaatinut titartakkat
- 097-03 Illup isikkua fra Google map kiisalu qulaaniik isikkua Map info-miik.

AALAJANGERNEQ:

Ataatsimiititaliaq INOQARFIK 07/11-2022

Akuerineqarpoq

AALAJANGERNEQ:

Inassuteqaat akuerineqarpoq.

Suliap nr.	22-098	Ilanngussap normua	098	Journal nr.	
Eqqartugaq	22-098 25 mio. Koruunit tungaanut kassekreditimik pilersitsinissamut pisinnaatititsineq				

EQIKKAANEQ:

Kommunip aningaasaatai tigoriaannaat qaammatini kingullerni ilungersunartumik inissisimapput 2021-mi aamma 2022-mi missingersuutiniq qaangiinerup kingunerisaanik. Akissarsiat, isumaginninnikkut ikiorsiissutit il.il. kiisalu kommunip ingerlaavartumik akiligassai akilerniarlugit kassekreditimik pilersitsisoqarnissaa pisariaqartinneqarpoq.

SULIAP SAQQUMMIUNNEQARNERA:

2022-mi kommuni 10 mio. koruuninik sinneqartoortumik missingersuusiropoq, 5 mio. koruunit missaannik aningaasanut tigoriaannarnut pitsaasumik sunniteqarpoq. Missingersuummi tigoriaannaateqarnermut tunngaviuvoq 2022-p aallartinnerani missingersuutit akuerineqarnerani 50 mio. koruunit uninngasuutigineqarmata. Taanna naatsorsuutitut iluarsisanut 26,8 mio. koruuninut ilanngullugu allanneqassaaq.

Kommune 2021-mi aamma 2022-mi kommunip akiligassaleriffiani torersaanissaq qitiutinneqarpoq, tamannalu isumaqarpoq, akiligassamik akilernerqanngitsumik akilersuinissamut annertuumik aningaasanik tigoriaannarnik atuisoqarsimasoq.

Kommune 2022-mi ilanngaait ilanngaatigereerlugit 594 mio. koruuninik aningaasartuutiniq missingersuusiropoq. Naalakkersuisut 2023-mut missingersuutitut sinaakkutaat kommunimi 649,4 mio. koruuniuvoq. Naalakkersuisut najoqqutassaat malillugu akiliisinnaassuseq minnerpaamik 5%-ia aningaasartuutit missigersuutaanniissapput.

Ataatsimiititaliaq Inua-nit anguniarneqarpoq kommunip aningaasaataat tigoriaannaat minnerpaamik 10%-ia imaluunniit 75 mio. koruuniussasut, kommunimi aningaasaqarnikkut politikki naapertorlugu. Kommunip aningaasaatai tigoriaannaat taamaalillutik nalinginnaasumit namminerlu anguniakkamik annertunerusumik appasinneruvoq.

Kommunip kommunimi ingerlatsineranut aningaasanik tigoriaannarnik peqarnissaq qulakkeerniarlugu 50 mio. koruunimik kassekreditimik pilersitsisoqarnissaa kissaatigineqarpoq.

ANINGAASATIGUT KINGUNISSAT:

Akiligassarsinissamut killiliussaq decembarip qaammataani akissarsisoqarneranut atatillugu atuutilissasut naatsorsuutigineqarpoq. Taassuma saniatigut ilaannikkut aningaasat atukkat atorineqarnissaat pisariaqalertarpoq, akissarsititsinerit, isumaginninnikkut ikiorsiissutit akiligassallu annertunerusut akilernerisigut peqatigitillugu qaammat sioqqullugu kommunip Namminersorlutik Oqartussanit ataatsimut tapiissutit aammalu akileraarutitigut akiliutit tigunnginnerini.

Naatsorsuutigineqarpoq kassekrediti ukiuni pingasuni-tallimani atatinneqassasoq, kommune missingersuutitigut sinneqartoorteqarnissamik anguniagaqarnerani, taamaalilluni aningaasaatit piareersimasussat kissaatigineqartut pilersinneqaaqqissammata.

Aningaasanut atorniagassanut killigititamik pilersitsinermi aningaasartuutit erniallu kassekreditimit atorineqartussat massakkut aningaasaliissutit iluanniissammata.

KINGUNEQAATIT:

Kommune kassekreditimik 50 mio. koruunimut pilersitsissaaq, qulakkeerniarlugu kommunimi aningaasatigut piareersimasooqarnissaa.

INATSISITIGUT TUNNGAVIK:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Ingerlatsinermut aningaasanillu aqutsinermut ilitersuut (Karsimut naatsorsuuserinermullu malittarisassat) 01.01.2018
 - o Ilanngussaq 1 Aningaasaqarnikkut politikki

SULIAP SULIARINERA:

Ataatsimiititaliaq Inua-nit suliaq suliarineqassaaq.

Borgmesteri Naalakkersuisunut qinnuteqarpoq 50 mio. koruunit angullugit atorniarnissaaq pillugu.

INASSUTEQAAT:

Qullersaqarfiup Ataatsimiititaliaq Inua-nut inassuteqaatigaa:

- 50 mio. koruunit tungaannut akiligassarsinissamut killiliussisoqassasoq.

ILANNGUSSAQ:

Soqanngilaq.

AALAJANGIINEQ:

Ataatsimiititaliaq INUA 16/11-2022

25.mio apparnissaanut kassekredit ilangullugu aningaasat tigoriannaat sapinngisamik 10%-mik appasinnerunnginnissaaq piomasaaq atatiinnarnissaa inassutigineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-099	Ilanngussap normua	099	Journal nr.	
Eqqartugaq	22-099 2022-mi ukiup sisamararterutaasa pingajuanni naatsorsuutit				

UTEQQIINEQ:

2022-imi ukiup pingajorterutaanut naatsorsuutit pillugit una ilisimatitsissut aqqutigalugu ataatsimiititaliaq INUA-mut tunniunneqarpoq.

SULIAMIK SAQQUMMIINEQ:

Piffissamut naatsorsuutit suliarineqarput september 2022 tikillugu, naatsorsuutit nalunaarsorneqarsimasimasut malillugit. Piffissamut naatsorsuutit takutippaat ataatsimut atuineq 34.1 mio. kr. inissisimasooq. Kommunip akileraarutiniit qaammammut isertittangai, qaammammik ataatsimik kingusinaarlutik tinguneqartarput, taamaattumillu septemberimut tunngasut uani naatsorsuutini ilaanatik. Akileraartarnermut isertitassat septemberimoortut ilanngukkaanni atuineq 15.4 mio. kr. annertutigissagaluarpoq.

Ingerlatsinerup takutippaa 9.8 mio-nik aningaasartuuteqartoq, sanaartukkanullu tunngasut 24.3 Mio.-nik aningaasartuuteqartoq.

Ukiup sisamararterutaasa pingajuanni naatsorsuusiortarnermi missingersuutitut akisussaasut akisussaaffimminnut tunngasunut oqaaseqaasioqquneqarsimapput. Oqaaseqaasiarineqartullu eqikkarlugit ilanngussami atuarneqarsinnaapput.

Ukiup sisamararterutaata pingajuanni kommunimi aningaasanik atuineq kinguneqarpoq aningaasat tingoriaannaat apparneritut. Oktoberimi aningaasanik nussuisoqarpoq. Massakkut aningaasat tingoriaannaat taamatut isikkoqartillugit, aningaasaliissutit nutaanik tunniussinissaq innersuussutigineqanngilaq.

ANINGAASAQARNIKKUT KINGUNEQAATISSAT:

Ukiup 2022-ip naanissaanut, inernerussusaq naatsorsuutigiuminaappoq, missingersuutit akisussaasuusut tamakkerlutik piffissamut naatsorsuutigineqartut nalunaarutigisinnaasimangimmatigit.

KINGUNEQAATIT:

Piffissamut naatsorsuutit missingersuutit akisussaasut oqaaseqataat aallaavigalugit, aningaasaliissutit aningaasartuutit nussuinerit qaammat decemberimi ingerlanneqarumaarput.

INATSIT TOQQAMMAVIGISAQ:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsinerimi aamma aningaasaqarnermik aqutsinerimik ilitsersuut, Kommune Qeqertalik, 01.01.2018

SULIAMIK SULIARINNINNEQ:

Ingerlatsinerimi aamma aningaasaqarnermik aqutsinerimik ilitsersuut malillugu piffissamut naatsorsuutit ataatsimiititaliaq INUA-nut ilisimatitsissutigineqassapput.

Missingersuusiornermi naatsorsuusiornermilu inatsimmi § 25 malillugu, kommune ilisimatitsisussaataitaanera naapertorlugu Aningaasaqarnermut Naalakkersuisumut killiffik ilisimatitsissutigissavaa.

INASSUTEQAT:

Aqutsisoqarfiup Ataatsimiititaliaq INUA-mut inassutigaa:

- ilisimatitsissut tusaatissatut tiguneqassasoq
- ilisimatitsissut kommunalbestyrelsimut ingerlateqqinneqassasoq
- ilisimatitsissut Aningaasaqarnermut Naalakkersuisumut nassiunneqassasoq

ILANNGUSSAQ:

099-01 2022 3. kvartal naatsorsuutit

099-02 Missingersuutit nikingassutaannik nassuiaatinik allangaq

AALAJANERNEQ:

Ataatsimiititaliaq INUA 16/11-2022

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-100	Ilanngussap normua	100	Journal nr.	
Eqqartugaq	22-100 Missigersuutissatut siunnersuut Kommunalbestyrelsemut aappassaaneernissaanut inassuteqaat				

EQIKKAANEQ:

Uuminnga suliamik saqqummiussamik Ataatsimiititaliaq Inua 2023-mut Missigersuutitut siunnersuummik Kommunalbestyrelsip aappassaaneernissaanut inassuteqaateqarpoq.

SULIAP SAQQUMMIUNNEQARNERA:

2023-mut Missigersuutissatut siunnersuut Teknikkikkut Aqutsinermi Missigersuutit tunngavigalugit suliareneqarpoq, kommunip massakkut aningaasaliissutaani allanneqartumi.

Ataatsimiititaliaq Inua 2023-mut Missigersuutitut sinaakkutit ulloq 14. juuni 2022-mi aalajangersarneqarpoq. 2023-mut kommunimut iluanaarutaasussanut 18 mio. koruunit anguniarneqarnissaat aalajangersarneqarpoq aamma ukiunut missigersuusiortiusunut 2024-miit 2026-mut. Taassuma saniatigut kommunip maannakkut akileraarutip procentia 28 %-iusassoq aalajangersarneqarpoq. 2023-mut sanaartugassanut sinaakkutissaq 55 mio. koruuninut aalajangersarneqassasoq. 2024-mi sanaartornermut sinaakkutissani 90 %-inik aalajangiisoqarpoq, 2025-mi 80 %m aammalu 2026-mi 70 %-mik sanaartugassanut sinaakkusiisoqarluni.

Missigersuusiornissamut isumasioqatigiinnermi Ataatsimiititaliaq Inua-nut 2023-mi Missigersuutit killiliussaq Kommunalbestyrelsimut saqqummiunneqarpoq. Politikerit, innuttaasut allaffeqarfimmiillu siunnersuutit tunngavigalugit periarfissat allattorsimaffii saqqummiunneqarput.

Ataatsimiititaliaq Inoqarfik ataatsimiinnermi ulloq 6. septembari ingerlatsinermut missigersuutit akuersivoq. Ataatsimiititaliamit kissaatigineqarpoq sanaartugassat pingaarnersiorneqassasut kiisalu sanaartugassanut nutaanut aningaasaliisoqassalluni. Ataatsimiititaliamit kissaatigineqarpoq sanaartugassanut tulluuttunut Sanaartornermik:

- 1 mio. kr. 2023-mi Qeqertarsuarmi Aqquserniliornissamut, illoqarfimmi utoqqarnut pitsaannerusunik aqqusernit sanaartorneqarnissaannut qulakkeerisussaq
- 1 mio. kr. 2023-mi Qeqertarsuarmi aamma Qasigiannguani aqqusernit nutaat suliniutigineqarnissaannut
- 1 mio. kr. 2023-mi Qasigiannguani tummeqqanik nutaanik sanasoqarnissaanut
- 10 mio. kr. (5 mio. kr. 2023-mi aamma 5 mio. kr. 2024-mi) Qasigiannguani inissianik sanaartortoqarnissaanut
- 1 mio. kr. 2023-mi Qasigiannguani aqqusernit suliniutigineqarnissaannut, arsaattarfimmut iliveqarfimmullu aqqusineqarnissamut qulakkeerisussat
- 15 mio. kr. 2023-mi Niaqornaarsunni Minihalip sananeqarnissaanut
- Qeqertarsuarmi meeqqeriviup nutaap suliniutigineqarnissaanut sanaartorneqarnissaanullu siuartitsineq Siunnersuut ima paasineqassaaq 2023-mut 1 mio. koruuninik 2024-mut 15 mio. koruuninik siuartitsisoqartoq
- 1 mio. kr. Aasianni multibanep nutaap sanaartorneqarnissaanut
- 1 mio. kr. 2023-mi Aasianni aqqusiniliornissamut, Aadarujuk Piukkunnarsarfimmut atassuserlugu
- Kangaatsiami arsaattarfiup ivigaaraasartallip sanaartorneqarnissaanik siuartitsineq Siunnersuut ima paasineqassaaq 2023-mut 1 mio. koruuninik 2024-mut 5 mio. koruuninik siuartitsisoqartoq
- 1 mio. kr. Kangaatsiami aqqusernit asfaltilersorneqarnissaannut
- Aasianni bussinik pisinissamik kiisalu aningaasaliissutinik qaffaanissamut siuartitsineq. Siunnersuut ima paasineqassaaq 2023-mut 2,5 mio. koruuninik sanaartornissamut aningaasaliisoqartoq.

Ataatsimiititaliaq INOQARFIK-mit siunnersuut sanaartugassat nutaamik pingaarnersiorneqassasut ima

paasineqassaaq 2023-mi sanaartugassanut aningaasaliissutit 2023-mi 26 mio. koruuninik aammalu 2024-mi 24 mio. koruuninik tamakkiisumik qaffanneqassasut. Sanaartugassanut aningaasaliissutit tamakkiisut taamaalillutik 2023-mi 73,4 mio koruuniussapput aamma 2024-mi 65,9 mio. koruuniussallutik. Sanaartugassanut sinaakkutit 2023-mut 55 mio. koruuninik 2024-mut 49,5 mio. koruuniunissaannik aalajangersaasoqarpoq.

Ataatsimiititaliaq Inuit ataatsimiinnermini ulloq 7. septembari 2023-mut Missingersuutissatut siunnersuut suliaraa. Ataatsimiititaliap meeqqerivinnut tunngasuni akigititat 10 %-imik qaffanneqarnissaannut siunnersuut aamma siusinaarlutik pensionisialinnut suliniutip pingaarnersiorneqarnissaanut siunnersuut itigartippaa.

Ataatsimiititaliaq Timi Tarni ataatsimiinnermini ulloq 8. septembari 2023-mut Missingersuutissatut siunnersuut suliaraa. Ataatsimiititaliap atuakkanik atorniartarfimmut tunngasuni akigititanik 10 %-imik qaffaanissamut siunnersuut itigartippaa.

Ataatsimiititaliaq Inua ataatsimiinnermi ulloq 22. septembari 2022 aalajangerpoq 2023-mut Missingersuutit Kommunalbestyrelsip siullermeerinissaanut ulloq 29. septembari 2022-mut inassuteqaatiginarlugu. Peqatigitillugu Ataatsimiititaliaq Inua ataatsimiititalianut sipaaruteqarnissamut siunnersuutininik kissaatit nutaat nalinginik saqqummiusseqqusivoq, missingersuutit siullermeerneqarmata ataatsimiititaliat saqqummiussaannut.

Ataatsimiititaliaq Inoqarfik immikkut ittumik ataatsimiippoq ulloq 27. septembari, tassani ataatsimiititaliap sanaartugassanut missingersuutit iluanni pingaarnersiuinissamut siunnersuut Ataatsimiititaliaq Inua-ta sanaartugassanut sinaakkutit aalajangersagaat suliaraa. Sanaartugassanut missingersuutininut siunnersuut 2023-mut missingersuutissat sinaakkutaasa ukiullu missingersuusiorfiusut iluanniipput. 2023-mut Missingersuutissatut siunnersuut Kommunalbestyrelsimut aappassaaneernejarnissaanut siunnersuut ilanngunneqarpoq.

Ataatsimiititaliaq Inuit immikkut ittumik ataatsimiippoq ulloq 28. septembari, tassani ataatsimiititaliap siusinaartumik pensionisialinnut suliniummut siunnersuut iluarsisaq akueraa aammalu allaffeqarfik piumaffigalugu meeqqeriveqarnermut suliassaqarfimmi sipaarniarfigineqarsinnaasunut siunnersuummik suliaraqquullugit, akigititanik qaffaanissamut pisariaqartitsinermut akerliliisussamik.

Folketingimut qinersineq pissutigalugu ataatsimiititaliaq aalajangerput novembarimi ataatsimiinnissatik sapaatip akunneranik kinguartissallugit. Tamanna isumaqarpoq, ataatsimiititaliat 2023-mut Missingersuutit pillugit inassuteqaataat Ataatsimiititaliaq Inua-nut suliamik saqqummiussinissamut sularineqarnissaa angumersisinnaangitsoq. Aningaasaqarnermut sulisoqarnermullu immikkoortortaq 2023-mut Missingersuutissatut siunnersuummik suliaraqpoq naatsorsuutigalugu ataatsimiititaliat suliamik saqqummiussineq missingersuutit siullermeerneqarnerat pillugu sipaarutissanik siunnersuutitalik akuerissagaat. Ataatsimiititaliat aalajangissappata Ataatsimiititaliaq Inua-nut allatut inassuteqaateqassallutik, missingersuutissatut siunnersuummik iluarsisamik sularinnittoqassaaq.

Ataatsimiititaliaq Inuit ulloq 9. novembari meeqqeriveqarnermut suliassaqarfimmi sipaarutissanut siunnersuut sularissavaa. Ataatsimiititaliap aalajangiinera Ataatsimiititaliaq Inua-nut nassiunneqassaaq.

Ataatsimiititaliaq Timi Tarni ulloq 10. novembari atuakkanik atorniartarfimmut tunngasuni sipaarutissatut siunnersuut sularissavaa, akigititanik qaffaanissamut pisariaqartitsinermut akerliliisussamik. Ataatsimiititaliap aalajangiinera Ataatsimiititaliaq Inua-nut nassiunneqassaaq.

ANINGAASATIGUT KINGUNISSAT:

Siunnersuummi matuma ingerlatsineri sinneqartoorutissat 72,9 mio. koruuniussasut missingersuusiorneqassaaq. 2022-mi kommune ingerlatsineri 70,2 mio. koruuninik sinneqartuussasq missingersuusiorneqassaaq.

Siunnersuummi 2023-mi sanaartugassanut aningaasaliissutit 54,9 mio. koruuniupput aammalu 2023-mit 2026-mut 180,8 mio. koruuniullutik. 2022-mut missingersuummi 2022-mut 60 mio. aammalu 2022-mit 2025-mut 211,8 mio. koruunit missingersuusiorneqarput.

2023-mut Missingersuutissatut siunnersuummi 2023-mi 18 mio. koruuninik sinneqartoortoqassasq takutinneqarpoq.

KINGUNEQAATIT:

Siunnersuummut kinguneqaatissat missingersuummi allaqqapput.

INATSISITIGUT TUNNGAVIK:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuioqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsineri aningaasanillu aqutsineri ilitsersuut, Kommune Qeqertalik, 01.01.2018

SULIAP SULIARINERA:

Ataatsimiititaliaq Inua-nit Kommunalbestyrelsimut kommunip ukiumoortumik missingersuutanut siunnersuut suliarineqassaaq.

Ukiumut missingersuutitut siunnersuut Kommunalbestyrelsimi aappassaaneerneqassaaq. 29. septembarimi siullermeerneqarpoq naatsorsuutigineqarporlu kommunalbestyrelsip ataatsimiinnerani ulloq 24. novembari aappassaaneerneqassasq.

INASSUTEQAAT:

Qullersaqarfiup Ataatsimiititaliaq Inua-nut inassuteqaatigaa:

- 2023-mut missingersuutitut Kommunalbestyrelsip aappassaaneerinissanut tullittut inassuteqaatigineqassasut
 - o 2023-mut Missingersuutitut akuerineqassasut
 - o 2023-mut akigititat akuerineqassasut
 - o 2023-mi akileraarutip procentia 28 %-imut aalajangersarneqassasq
 - o Ataatsimiititaliaq Inua pisinnaatinneqassasq Ataatsimiititaliaq Inoqarfik-mut inassuteqarnissamut sanaartugassanut sinaakkutissap iluani pingaarnersuioqarnissaanut.

ILANNGUSSAQ:

- 100-01 2023-mut Missingersuutitut siunnersuut, aappassaaneerinineq
- 100-02 2023-mut akigititat DK
- 100-03 2023-mut akigititat KAL
- 100-04 INOQARFIK-up ataatsimiinnerani ulloq 6. septembari imaqarnialiaq
- 100-05 INUIT-ip ataatsimiinnerani ulloq 7. septembari imaqarnialiaq
- 100-06 Timi Tarni-p ataatsimiinnerani ulloq 8. septembari imaqarnialiaq
- 100-07 Inoqarfik-up ataatsimiinnerani ulloq 27. septembari imaqarnialiaq
- 100-08 Inuit-ip ataatsimiinnerani ulloq 27. septembari imaqarnialiaq

100-09 Inuit-ip ataatsimiinnerani ulloq 8. november imaqarnialiaq

100-10 Timi Tarni-p ataatsimiinnerani ulloq 9. November imaqarniliaq

AALAJANGINEQ:

Ingerlatsinermut aningaasartuutissatut siunnersuut akuerineqarpoq sanartugassanut missigersuummi multifuntionhuset marluk sumiinnissaat erseqqissarneqassasoq kissaatigineqarpoq, Qeqertarsuarmi meeqqeriviliornissaq pilersaarusiornissaa 2023-mut siuartinneqarpoq Qagse-miit 1mio. nuussinikkut, 2024-mi sanartornissaannut aningaasaliissutissat 15 mio. sumingaaniit matussuserneqassanersut ataatsimiisitaliaq Inoqarfimmut suliakkiutigineqarluni.

AALAJANGERNEQ:

Inassuteqaat akuerineqarpoq, meeqqat qitiutillugit.

Suliap nr.	22-101	Ilanngussap normua	101	Journal nr.	
Eqqartugaq	22-101 Kommunip kukkunersiuisussamik taarsiineq				

UTEQQIINEQ:

Kommunip kukkunersiusuata nalunaarutigaa Kalaallit Nunaanni allaffitsik tunisimallugu. Taamaattumik kommunip kukkunersiusua nutaaq akuersissutigisussaavaa kiisalu kukkunersiusumik taarsiinissaq Naalakkersuisunut qinnutigalugu.

Una suliamik saqqummiineq atorlugu kukkunersiuisumik taarsiineq ingerlanneqarpoq kiisalu kukkunersiuisup nutaap akuersissutigineqarnissaa Naalakkersuisunut qinnutigalugu.

SULIAMIK SAQQUMMIINEQ:

Kukkunersiuisut Deloitte Statsautoriseret Revisionspartnerselskab, CVR 33963556, tamatuma kingorna Deloitte, kommune 2018-imi pilersinneqarmalli Kommune Qeqertalimmut kukkunersiuisuusimavoq. Deloitte-p ulloq 10. november 2022 kommunimut nalunaarutigaa suliffeqarfiup Kalaallit Nunaanni allaffitsik kukkunersiuisunut BDO STATSAUTORISERET REVISIONSAKTIESELSKAB-imut, CVR 20222670, tamatuma kingorna BDO-mik taaguutilimmut tunisimallugu.

Kommunip kukkunersiuneq pillugu Deloitte-mik isumaqatigiissutaa ukioq naatsorsuiffiusoq 2022 unissaaq. BDO-p suliffeqarfiit kattunnerannut atatillugu tiguua taamaalillunilu aamma Kommune Qeqertaliup kukkunersiorneqarnissaanut isumaqatigiissut kiisalu 2022-imut kommunip suliffeqarfiutai tiguai.

Isumaqatigiissutip uninneranut atatillugu Kommunip kissaatigaa kukkunersiuinernik sullissinernut suliffeqarfiit misissussallugit. Kommuni pisussaangilaq suliassaq suliariumannittussarsiuutissallugu, tak, Neqeroortitsinermut inatsit. Taamaattorli qulakkeerneqassaaq sullissinernik pisiniarnerit, matumani kukkunersiuneq ilanngullugu akit, pitsaassuseq, tunniussinernut- aamma akiliuteqarnermut piumasaqaatit, Sullissinerit, Qulakkeerininnerit, avatangiisit aamma inooqataanikkut pissutsit aallaavigalugit pitsaanerpaq aamma akikinnerpaq qinissallugu, tak, kommunip pisiniartarnernut polikkia.

Niuffaffimmik misissuinerit 2023-ip ukiuata affaani siullermi ingerlanneqassapput, taamaalilluni 2022-imut ukiumoortumik naatsorsuutit Kommunalbestyrelsimit suliarineqalerpat kukkunersiuisoq nutaaq inisillunilu akuerineqarniassammat.

ANINGAASAQARNIKKUT KINGUNEQAATIT:

Kukkunersiuisup BDO-mut nuunnerani aningaasaqarnikkut kinguneqaateqarnissaa naatsorsuutigineqanngilaq, tassa Deloitte-mut isumaqatigiissut atorlugu kukkunersiuneq ingerlaannartussaammat.

Kalaallit Nunaanni kukkunersiuisoqarfinnik misissuineq kiisalu ukioq naatsorsuiffiiusumut 2023-imut suliamik suliariumannittussarsioratarsinnaaneq aamma siunissami kommunimut allaffissornikkut aningaasartuuteqarneq. Taakku aningaasartuutit maannakkut aningaasaliissutaasunit akilerneqassapput.

KINGUNEQAATIT:

Deloitte-p Kalaallit Nunaanni allaffimminnik tunisinerani suleqataasut amerlanerpaat kommunip naatsorsuutaanik suliaqarnikut Deloitte-miit BDO-mut nuussapput. Kommunimik kukkunersiuneq piginneqataasumit nutaamit BDO-imit aqunneqalissaaq.

2022-imut kukkunersiuineq kukkunersuiisup nikinneratigut allaffissornikkut akornusersuutaanissaa naatsorsutigineqangilaq. Isumaqatigiissutit atuuttut atorlugit sulinerup ingerlanneqarnissaa naatsorsuutaavoq.

INATSIT TOQQAMMAVIGISAQ:

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu, neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq Ingerlatsinerneq aamma aningaasaqarnermut ilitsersuut (Kasse- og Regnskabsregulativ) 01.01.2018 Ilanngussaq 11 – Pisiniartarnermut politikki.

SULIAMIK SULIARINNINNEQ:

Kukkunersuiisumik taarsiineq Ataatsimiititaliaq Inua-nit, Kommunalbestyrelsimit kiisalu Naalakkersuisunit suliarineqassaaq.

INASSUTEQAAT:

Aqutsisoqatigiit Ataatsimiititaliaq Inua-nut inassutigaa:

- Kommunalbestyrelsimut uku inassutigineqassasut:
 - o Ukioq naatsorsuiffiusumut 202-imut Kommunip 2022-imut naatsorsuutaanut BDO kukkunersuiisutut akuersissutigineqassasooq
 - o Kommune Qeqertalimmut BDO kukkunersuiisutut akuersissutigineqarnissaa Naalakkersuisunit qinnutigineqassasooq
- Kommunalbestyrelsi sinnerlugu borgmesteri pisinnaatinneqassasooq kommunip suliffeqarfiutaanut 2022-imi BDO kukkunersuiisutut akuersissutigissagaa

ILANNGUSSAT:

Soqanngilaq

AALAJANGERNEQ:

Ataatsimiititaliaq INUA 16/11-2022

Inassuteqaat akuerineqarpoq

AALAJANGERNEQ:

Inassuteqaat akuerineqarpoq.

Ilisimatitsissutit:

Suliap nr.	22-102	Ilanngussap normua	102	Journal nr.	
Eqqartugaq	22-102 Naatsorsuutit pillugit ilisimatitsineq				

EQIKKAANEQ:

31.10.2022-naatsorsuutit pillugit una ilisimatitsissut ataatsimiititaliamut tunniunneqarpoq.

SULIAMIK SAQQUMMIINEQ:**ANINGAASAQARNIKKUT KINGUNEQAATISSAT:****KINGUNEQAATIT:****INATSIT TOQQAMMAVIGISAQ:**

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsinermermi aamma aningaasaqarnermik aqutsinermik ilitsersuut, Kommune Qeqertalik, 01.01.2018

SULIAMIK SULIARINNINNEQ:**INASSUTEQAT:**

Aqutsisoqarfiup Ataatsimiititaliamut inassutigaa:

- ilisimatitsissut tusaatissatut tiguneqassasoq

ILANNGUSSAQ:

- 102 -01 01 31-10 2022- naatsorsuutit killiffiat

AALAJANERNEQ:

Ataatsimiititaliaq INUA 16/11-2022

Tusaatissatut tinguneqarpoq.

AALAJANGERNEQ:

Tusaatissatut tinguneqarpoq.

Suliap nr.	22-103	Ilanngussap normua	103	Journal nr.	
Eqqartugaq	22-103 Qeqertarsuarmi A nr. 958-1400-00408-nik nunaminertamik atugassiinissamik inatsisitigut naapertuuttunngortitsineq				

EQIKKAANEQ:

Kommune Qeqertalik Qeqertarsuarmi nunaminertamik atugassiinermik A-nr. 958-1400-00408-mik naammagittaalliummik tigusaqarpoq. Tamatuma kinguneraa, nunaminertamik atugassiinerup immikkuualuttumut pineqartumut inatsisitigut naapertuuttunngortinnissaa aammalu aalajangersakkat ersarissakkat akuerinissaat.

SULIAP SAQQUMMIUNNEQARNERA:

Ulloq 30. septembari Aningaasaqarnermut Naligiisitaanermullu Naalakkersuisoqarfiup ulloq 1. novembari 2019-imeersoq Qeqertarsuarmi A-nr. 958-1400-00408 pillugu nunaminertamik atugassiinermik Kommune Qeqertalimmit aalajangiussaq utertippaa, ass. immikkuualuttumut pineqartumik aalajangersakkat ersarissakkat inatsisitigut naapertuuttunngorniarlugit suliarineqarnissaat siunertaralugu.

Kommune Qeqertalimmi Kommunimut pilersaarut 2018-2030 "nunaminertamik atugassiineq" § 6 Nunaminertanik qinnuteqarnermut piumasaqaatinik tamanik nunaminertamik atugassiinertamik qinnuteqarnermi piumasaqaatit tamarmik imarineqaannginneri tunngavigalugu eqqaamiorisanik tusarniaaneq utertitsineq pivoq.

Tamanna isumaqarpoq Kommune Qeqertalik immikkuualuttumut 1400-A10-mut, Adam Mølgaardip Aqquserna, Kommunimut pilersaarummut tapiliussamik suliaqassasoq, aalajangersakkat ersarissakkat akuerisat atorlugit.

INOQARFIK siunissami Kommune Qeqertaliup Kommunimut pilersaarut 2018-2030-mi piumasaqaatit allaqqasut eqquutsissavai, kiisalu inatsisinik eqquutitsineq uaniittunik Pilersaarusioneq aamma nunaminertat atorineqartarnerat pillugit Inatsisartut inatsississaat nr. 17, 17. november 2010-imeersoq Inatsisartut inatsissaat nr. 34, 9. december 2015-imeersumi allannguutit ilanngullugit.

INATSISITIGUT TUNNGAVIK:

- Pilersaarusioneq aamma nunaminertat atorineqartarnerat pillugit Inatsisartut inatsississaat nr. 17, 17. november 2010-imeersoq Inatsisartut inatsissaat nr. 34, 9. december 2015-imeersumi allannguutit ilanngullugit.
- Pisortat ingerlatsineranni suliasat suliarineqartarnerat pillugu Inatsisartut inatsissaat nr. 8, 13. juni 1994-imeersoq.
- Kommune Qeqertalimmi eqqagassalerineq pillugu Kommunimut pilersaarut 2018-2030

SULIAP SULIARINERA:

- Ataatsimiititaliaq INOQARFIK.
- Ataatsimiititaliaq INUA

INASSUTEQAAT:

Qullersaqarfiup Ataatsimiititaliaq INOQARFIK-mut inassuteqaatigaa:

- Ataatsimiititaliaq INOQARFIK suliaq tusaatissatut tigussagaa suliarlu Ataatsimiititaliaq INUA-nut ingerlateqqissagaa

ILANNGUSSAQ:

- 103-01 Illuatungerisamik tusarniaaneq
- 103-02- Partshøring - klage om arealtildeling til A.nr. 958-1400-00408
- 103-03 Klage om arealtildeling til A.nr. 958-1400-00408
- 103-04 Aalajangiineq nunaminertamik naammagittaalliuut
- 103-05 Nabohøring om arealansøgning
- 103-06 Nunaminertamik qinnuteqaat pillugu eqqaamiorisanik tusarniaaneq

AALAJANGIINEQ:

Ataatsimiititaliaq Inoqarfik 07-11-2022

Tusaatissatut tinguneqarpoq.

AALAJANGIINEQ:

Ataatsimiititaliaq INUA 16/11-2022

Tusaatissatut tinguneqarpoq.

AALAJANGERNEQ:

Tusaatissatut tinguneqarpoq.

Suliap nr.	22-104	Ilanngussap normua	104	Journal nr.	
Eqqartugaq	22-104 Kisermaassisussaatiitaalluni annikitsumik 38-akuersissummik taaneqartartumik ujaasinissamut aamma atuinissamut akuersissut				

EQIKKAANEQ:

Kommune Qeqertalik Suliap nr. SS-109-ip 38 Godkendelse-imik taaneqartumik kisermaassisussatitaalluni ujaasinissamut aamma atuinissamut qinnuteqaammik tigusaqarsimavoq. Sumiiffik 1 km²-isut angissuseqarpoq piffiullu ilaani 0003-003 Asi-itut taaneqartumi Kangerluup avannaani inissisimalluni. Misisueqqissaarnermi ujaqqanik erlinnartunik ujaasinissaq siunertaavoq.

Kommuni tusarniaanermut akissummik nassiussaqaarpoq, tassani oqaatigineqarluni piffiup ilaani sumiiffimmiittoq eqqarsaatigalugu kommunimi upalungaarsimasut apuussinnaanngimmata.

INATSIT TOQQAMMAVIUSQ:

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-meersoq. (aatsitassanut ikummatissanullu inatsit) Malitseqartinneqartumik ukunannga Inatsisartut inatsisaat nr. 26 18. december 2012-meersoq, Inatsisartut inatsisaatnr. 6 8. juni 2014-meersoq, Inatsisartut inatsisaat nr. 16 3. juni 2015-meersoq, Inatsisartut inatsisaat nr. 34 28. november 2016-meersoq, Inatsisartut inatsisaat nr. 16 27. november 2018-meersoq kiisalu Inatsisartut inatsisaat nr. 39 28. november 2019-meersoq.

SULIAMIK SULIARINNINNEQ:

- Ataatsimiititaliaq INOQARFIK.
- Kommunalbestyrelsi.

INASSUTEQAAT:

Qullersaqarfiup Ataatsimiititaliaq INOQARFIK-mut inassutigaa:

- Ataatsimiititaliaq INOQARFIK-iup suliaq tusaatissatut tigussagaa tamatumalu kingorna suliaq Kommunalbestyrelsimut ingerlateqqillugu

ILANNGUSSAT:

- 104-01 Annikitsumik akuersissutaateqarnissaq pillugu tusarniaanissamut qinnuteqaat DK
- 104-02 Qinnuteqaammut tunngatillugu tusarniaanermik nalunaarut KAL
- 104-03 Qinnuteqaat atsiorsimanngitsoq – Anonymiseret ansøgning
- 104-04 04 Kommunip tusarniaanermut akissutaa DK
- 104-05 Kommunip tusarniaanermut akissutaa GL

AALAJANGERNEQ:

Ataatsimiititaliaq Inoqarfik 07-11-2022

Tusaatissatut tinguneqarpoq.

AALAJANGERNEQ:

Tusaatissatut tinguneqarpoq.

Suliap nr.	22-105	Ilanngussap normua	105	Journal nr.	
Eqqartugaq	22-105 Tusarniaanermut akissut				

EQIKKAANEQ:

Tusarniaanermi akissuteqaat

Tusarniaaneq nassiunneqarsimasooq pineqartoq pillugu ulloq 10. november 2022 Kommune Qeqertalimmi ataatsimiititaliat siulittaasui kiisalu borgmesterip tullersortaa siulleg ataatsimiipput.

Kommune Qeqertalik aamma ataatsimiititaliat arlalinnguit pilersaarutaareersutut arlaleriarlutik ataatsimiissimapput tamannalu ataatsimiititaliat siulittaasuinut annertunerusumik akissaasersuinerimik kinguneqarsimalluni. 2022-imi kommunalbestyrelsi arfineq pingasoriarluni kiisalu ataatsimiititaliat ataavartut tamarmik quleriarlutik ataatsimiissasutut naatsorsorneqarput. Ataatsimut isigalugu ingerlatsinermi tunngaviusumik aamma atituumik akissussaaffik kommunini allani ataatsimiititaliakinnerusunut naapertuuppoq. Taamaattumik siulittaasut tamarmik tunngaviusumik amerlaqisunik suliaqarnissaat naatsorsuutigineqarpoq.

Qulaani taaneqartut tunngavigalugit Kommune Qeqertaliup Namminersorlutik Oqartussanut piumasaraa, ataatsimiititaliat siulittaasuia akissaasersorneqartaarneranut aalajangersagaq atorunnaarseqqullugu, taamaalilluni kommunit namminneerlutik akissarsiat qanoq annertutiginissat nangittumik aalajangersorsinnaassammassuk

Høringssvar:

Der er den 10. november 2022 afholdt møde mellem udvalgsformænd og viceborgmester i Kommune Qeqertalik vedrørende høringen om fremsendte høring.

Kommune Qeqertalik har forholdsvis mange skemalagte møder og få udvalg, som betyder højere proportionelt vederlag til udvalgsformænd. I 2022 opgøres dette til 8 kommunalbestyrelsesmøder, samt 10 af hver stående udvalgs møder. Det generelle forvaltningsretlige ansvar og bredden i ansvaret er det samme som kommuner med færre udvalg. Alle formænd forventes derfor at udføre mange generalistopgaver.

På baggrund af ovenstående, anmode Kommune Qeqertalik Selvstyret om at fjerne bestemmelsen om vederlæggelse af udvalgsformænd, således kommunerne fortsat selv kan tilrettelægge disses vederlagsstørrelse.

Inussiarnersumik inuulluaqusilluta / Med venlig hilsen

Ane Hansen, Frantz Lundblad, Niels Kristensen, Klaus Lundblad, Karl Thue Nathansen

ILANNGUSSAT:


- 105-01 Høringsbrev vederlag til kommunalbestyrelser borgmestre og viceborgmestre GRL
- 105-02 Høringsbrev vederlag til kommunalbestyrelser borgmestre og viceborgmestre
- 105-03 UDCAST - bekendtgørelse om vederlag GRL
- 105-04 UDCAST - bekendtgørelse om vederlag DK

AALAJANGERNEQ

Tusaatissatut tinguneqarpoq.

ATAATSIMIINNEQ NAAVOQ: 12:53**ATSIORFISSAQ:**


Hansen, Ane



Lundblad, Frantz



Broberg, Bia A.



Nathanielsen, Karl Thue



Aronsen, Hans



Lundblad, Klaus



Kristensen, Niels



Larsen, Mariane S.



Jeremiassen, Kristian



Heilmann, Simigaaq




Kristensen, Naja




Jeremiassen, Nikkulaat



Sandgreen, Enok



Samuelson, Aqqa



Frederiksen, Ole I.

